



BOSNA I HERCEGOVINA
PARLAMENTARNA SKUPŠTINA
ZASTUPNIČKI DOM

Komisija za vanjske poslove

Broj: 01,2-011-1323-05/02

Sarajevo, 24.12.2002.godine

ZAPISNIK

Sa druge sjednice Komisije za vanjske poslove

Sjednica je održana 23.12.2002.godine sa početkom u 12 sati.

Sjednici su prisustvovali sljedeći njeni članovi: Martin Raguž, Sead Avdić, Seada Palavrić, Izet Hadžić i Jelina Đurković.

Svoje odsustvo su opravdali: Azra Hadžiahmetović i Vinko Zorić, a Milorad Živković i Nenad Mišić su zbog vozačeve greške zakasnili doći na sjednicu.

Sjednicom je predsjedavao Martin Raguž, predsjedatelj Komisije za vanjske poslove, a zapisnik je vodila sekretar Merdžana Iglica.

Predsjedatelj Komisije za vanjske poslove predložio je sljedeći

DNEVNI RED

1. Verificiranje zapisnika sa 1. sjednice Komisije za vanjske poslove Zastupničkog doma Parlamentarne skupštine Bosne i Hercegovine, održane 17.12.2002.godine;
2. Izbor zamjenika predsjedatelja Komisije za vanjske poslove Zastupničkog doma Parlamentarne skupštine Bosne i Hercegovine;
3. Upoznavanje sa aktima koji se odnose na opće pravce i prioritete za provedbu vanjske politike Bosne i Hercegovine i razmatranje Okvirnog radnog plana komisije za vanjske poslove za 2003. godinu.
4. Davanje mišljenja o saglasnosti za ratificiranje Ugovora o dvojnomo državljanstvu između Bosne i Hercegovine i Savezne Republike Jugoslavije, koji se našao na Dnevnom redu 5. sjednice Zastupničkog doma Parlamentarne skupštine Bosne i Hercegovine, održane 23.12.2002. godine;
5. Tekuća pitanja.

Dnevni red je jednoglasno prihvaćen.

Ad.1. Komisija je razmatrala zapisnik sa 1. sjednice Komisije za vanjske poslove Zastupničkog doma Parlamentarne skupštine BiH i jednoglasno ga prihvatila;

Ad.2. Komisija je potvrdila dogovor i suglasnost svih članova sa 1. sjednice Komisije da prvi zamjenik predsjedatelja bude Milorad Živković.

Prijedlog gđe Jeline Đurković da drugi zamjenik predsjedatelja Komisije bude žena i to gđa Seada Palavrić, članovi Komisije su jednoglasno prihvatili.

Ad.3. Kod ove tačke dnevnog reda, predsjedatelj je izvijestio Komisiju da je članovima sekretar Komisije pripremio najznačajnije dokumente koji se odnose na rad i domen djelatnosti Komisije za vanjske poslove. Dokument Predsjedništva BiH koji se odnosi na opće pravce i prioritete za provedbu vanjske politike BiH na vrijeme je dostavljen članovima Komisije, dok je od Ministarstva vanjskih poslova to zatraženo pismenim putem. Zaključeno je da se od ovog Ministarstva zatraže spiskovi svih postojećih i pogotovo novoimenovanih ambasadora Bosne i Hercegovine u inozemstvu kako bi se oni susreli sa Komisijom, a njihovi nastupni govori pred predstavnicima zemlje domaćina našli pred članovima Komisije, te da svaki put kad dolaze u Bosnu i Hercegovinu podnesu izvješće o aktivnostima u dotičnoj ambasadi. Također se od ovog Ministarstva traži da Komisiji dostave raspored svih ambasada BiH u inozemstvu, kao i bosanskohercegovačkih klubova i udruženja dijaspore.

Kad je u pitanju Operativni plan rada Komisije za 2003. godinu, zaključeno je da treba pristupiti što prije izradi ovog Plana i da će nakon njegovog usvajanja Komisija raditi prema listi prioriteta koji će se naći u tom planu. Komisija je zaključila da prioritarno treba razmotriti Izvješće o stupnju ispunjavanja obaveza koje Bosna i Hercegovina ima prema Vijeću Evrope i drugim međunarodnim institucijama za sljedeću godinu.

Zaključeno je da do kraja ove godine i do eventualne sjednice Zastupničkog doma Parlamentarne skupštine BiH treba održati i sjednicu Komisije za vanjske poslove, za nju iskoordinirati radnu verziju Plana rada Komisije za 2003. godinu i procijeniti da li bi sjednica mogla eventualno biti otvorena za javnost.

Ad.4. Iz neophodnosti stavljanja na dnevni red 5. sjednice Zastupničkog doma Parlamentarne skupštine BiH Ugovora o dvojnem državljanstvu između BiH i SR Jugoslavije, Komisija je razmatrala ovaj Ugovor i dala svoje mišljenje da su ispunjeni uvjeti da Zastupnički dom da suglasnost za ratificiranje ovog Ugovora.

Sjednica je završena u 13 sati.

Zapisnik sačinila:
Merdžana Iglica, sekretar Komisije

Predsjedatelj
Komisije za vanjske poslove
Martin Raguž